

鶴慶縣志

卷十之
上

卷十之上

列女志酉部

女之節者酉之一

鶴慶縣志

江苏工业学院图书馆
藏书章

鶴慶縣志卷十上

列女志 酉部

女之節者

酉之一

女之孝者

酉之二

女之貞者

酉之三

女之烈者

酉之四

女之德者

酉之五

女之才者

酉之六

女之貴者

酉之七

女之壽者

酉之八

女之殉難者

酉之九

女之節者

酉之一

元闕

明

許喬遷妻樊氏年十八夫以鄉舉卒於京翁姑欲奪其志氏剜目割鼻因憤恨成疾計守節四十二年及卒郡守為詩輓之

龐大治妻陶氏大治郡舉人氏年二十二大治卒無子家貧紡績養姑有令其改適者矢志不從姑歿喪

莫如禮郡守旌之

李醜妻里氏年二十三夫卒遺孤二氏矢志守節撫之後二子皆殤氏仍率初志不變計守節五十餘年當道旌焉

劉旌妻張氏旌郡諸生卒氏年二十三遺腹生子氏斷髮誓志卒撫子成立計守節四十一年

楊從宜妻李氏從宜郡諸生疾篤時以父母幼子為

厲氏汪受命及卒氏年二十一斷髮守節當道旌其門

吳賓妻彭氏賓郡諸生卒氏年十八遺孤甫二歲有欲奪其志者氏泣血自誓自後出入人鮮見其面子女婚嫁辛苦拮据不辭其難鄉里重之為請旌於當道

李時若妻里氏時若郡諸生卒氏年二十一紡績教

子子富春。或有不率。輒啗其臂曰。爾父偃蹇以歿。爾若此。我何面目見爾父於地下乎。子感悟。卒肆力於學。氏病篤。子為膏糞衣不解帶。病尋愈。一門苦節純孝。當道旌之。

楊廷棟妻李氏。廷棟邑諸生。卒。氏年二十三歲。撫子耀。成名。食廩餼。計守節四十三年。

劉夢龍妻胡氏。年二十。夫卒。撫孤子及孤姪。皆成立。

均分家產人以為難

李廷璋妻邵氏年二十二夫卒子鳳鳴幼氏割耳誓
志卒撫子成名當道為立傳以紀其事

讓朝

毛國翰妻居氏年二十三夫卒家貧紡績自給卒撫
子成立計守節五十年

楊廷鳳妻辛氏廷鳳邑諸生卒氏年二十五子幼氏

紡績撫之成名計守節三十餘年

楊高旺妻辛氏年十八夫卒撫子懷璉中康熙戊申
別榜計守節四十年

蘇氏 熊氏 張氏 施氏

以上四人均事蹟無考

楊述文妻施氏夫卒氏守節四十年

高景隆妻蔣氏夫卒氏守節四十五年

趙履上妻張氏夫卒氏守節三十餘年

趙裕仁妻楊氏夫卒氏守節四十二年

童其昌妻莊氏夫卒氏守節四十二年

呂月光妻梅氏夫卒氏守節四十餘年

劉進思妻苟氏夫卒氏守節五十年

李如旭妻黃氏年十七夫出師孟壑病歿撫子成立

計守節六十年

李如芝妻張氏年二十六夫卒撫子成立計守節五十四年

李東恕妻閔氏年三十夫出師孟壑病歿撫子成立計守節五十年

奚文煥妻莊氏年二十九夫卒子以貧廢書課孫品端薦於鄉次俱入庠計守節五十一年

趙登瀛妻潘氏登瀛邑諸生卒氏年二十九無子氏

守節五十九年

魯國賢妻舒氏國賢邑武生卒氏年二十三撫孤至
十歲而天氏仍矢死靡他計守節四十五年

唐世臣妻孫氏年二十四夫卒子復天撫姪為嗣計
守節三十一年

陳鼎甲妻舒氏年二十四夫卒撫子成立娶媳後子
卒率媳勵志計守節三十四年

周毓芹妻張氏年二十三夫卒撫子成立娶媳張氏
甫生孫子亦卒媳年二十七氏同媳撫孫氏守節五
十九年媳守節三十四年

周紹唐妻楊氏年二十一夫卒子亦夭撫前子如已
出計守節三十餘年

周紹稷妻楊氏年二十八夫卒無子撫姪為嗣計守
節三十餘年

崔紹龍妻彭氏年三十夫卒撫二子成立計守節五
十一年

陳廷輔妻楊氏年二十八夫卒撫子成立計守節三
十八年

王紹賢妻楊氏年二十三夫卒撫姪為嗣計守節五
十二年

楊興沛妻孫氏年二十六夫卒子復天計守節四十

六年

李聯魁妻里氏年二十五夫卒計守節十五年

李鍾慧妻里氏于歸後夫卧病氏典衣葺藥不辭勞
瘁夫卒氏年二十六無子姑他適氏撫姪為嗣計守

節三十九年

江文龍妻解氏年二十八夫卒無子或勸改適氏曰

節可改水可遁流乎計守節四十八年

董段氏進士段克瑩妹事蹟無考

劉儀妻李氏儀由拔貢官湖北谷城縣知縣卒於任氏年二十九歲守節五十年而終

鮑錫嘏妻周氏夫卒氏年二十九矢志撫孤成名計守節三十六年

李長春妻趙氏夫卒氏年二十一矢志撫子毓焜成立尤好施濟曾於省垣敬節堂捐巨款奏准建坊旌

表計守節四十餘年

段聯貴妻鮑氏夫卒氏年二十二計守節三十餘年

吳聯陞妻楊氏夫卒氏年二十一遺腹生子加謹撫
之家貧以女工度日習功過格而子忽又先死計氏

守節三十八年

黃慶昌妻李氏夫卒氏年二十七歲計守節三十餘

年